

爾雅釋地四篇注

爾雅釋地四篇錢坫注并述

竊聞大河橫流神禹績用東西兩翅舟舫鳩楫無遠弗届雖
製名前聖所隆遵其位號缺而弗及則皆因地以著焉然山經
記載祇以身所過越區其程涂雖坳山小水閑或遺之循名課
義略不致意釋地者聖人所以不能無作也夫知地者智知幾
者神形氣首尾少窺祕妙各土異性隨方殊尚亦如言語之不
通日用之弗協聖人因宜述其稱謂既定厥誼用昭竹帛坫
行之學夙亦未諭壯歲則歷齊魯叩止

上京不四三年又越衛周通乎秦晉頗知以今證昔每遇坳垣
敗址延領嚆吁想慕前人之遺蹟矣夫名者實之徵古人之言
何嘗虛造率以鄙見就所遐瞻括成卷冊媿非孫樊所及道郭
君所及推附于諸家之後儻不以異義置之耶時有陽湖孫君

星衍指余曰如君所臨殆得禹周二聖微愷歟因記所由成以告來者乾隆四十有六年九月一日錢坫述

釋地

兩河閒曰冀州

河行陝西山西兩省閒至潼關以下始折而東過孟津又東北入海州以東西兩河爲界故曰兩河閒冀之言異北方州故字從北

河南曰豫州

自華以東居河之南豫之言舒河至是行平舒也

河西曰邕州

在河華以西四山之中故曰邕邕之言翳四方積高應劭所言

漢南曰荊州

在江漢二水之南漢水入江之地卽荆揚之界荆亦取名于山矣

江南曰揚州

在江之南東倚大海州界多水故曰揚

沛河閒曰沅州

在河水之南沛水之北沛卽沅故取水以爲名許晉言九州之握地矣

沛東曰徐州

自沛岱以東南漸于海周禮青州之地也

燕曰幽州

居冀州之東營州之北南有郭海幽州以此名

齊曰營州

自岱山以東北沛水以南周禮青州之東北境也

九州

李巡曰殷制

魯有大野

沛水所滙也在今曹州府鉅野縣東漢時亦謂之廣野高帝封酈食其爲廣野君韋昭以爲此縣也何承天曰鉅野南通洙泗北接清沛元末河水衝決澤遂枯涸

晉有大陸

漳水所滙也在今順德府鉅鹿縣北鄭康成謂之廣河澤高誘亦曰廣阿也司馬彪曰故大鹿隨圖經又曰大阿依史記義堯納舜於大麓亦卽此

秦有楊陴

河水所滙也在今同州府華陰縣南依字應作陽華呂不韋書秦有陽華是也書字或以陽爲揚以華爲紆又爲汧其爲吁者非也山海經從極之淵維馮夷恒都焉揚汧之山河出其中凌門之山河出其中坵案馮夷實縣之潼鄉人故孫君欲以凌門爲龍門揚汧山爲卽陽華不必遠求之域外矣郭璞曰在扶風汧縣西坵又案在汧縣西者爲弦蒲藪周禮澤藪邕州曰弦蒲冀州曰揚紆非此也

宋有孟諸

荷澤水所被也在今歸德府虞城縣西北禹貢作孟豬周禮作望諸史記作明都漢書作盟諸澤周回五十里元時河水衝決遂廢

楚有雲夢

江水所溢也漢書地理志南郡華容縣有雲夢澤編縣江夏郡西陵縣並有雲夢官華容今荊州府石首監利二縣也編今安陸府荊門州也西陵今黃州府黃岡蘄水二縣及蘄州之境也又有雲杜縣今安陸府京山縣也國語曰楚有澤藪雲連徒州徒卽杜矣郭璞曰今巴邱湖今蘄水縣有巴湖鎮巡檢司卽其地司馬相如曰澤方八九百里

吳越之間有具區

漢書具區古文以爲震澤跨今常州蘇州湖州嘉興四府之境卽太湖也周禮揚州澤藪曰具區浸曰五湖枝分有五湖合爲一湖也越紐曰湖周三萬六千頃

齊有海隅

齊地在郭海之南凡濱于海者皆曰海隅一曰淮南王書申池在海隅者是也

燕有昭餘祁

汾水所匯也在今太原府文水縣東北今有猷水或以爲是矣漢書鄆縣九澤在北酈道元曰汾水于鄆縣左池爲鄆澤其陂東西四里南北十餘里呂氏春秋謂之大昭又名之爲漚夷之澤侯甲水發原祁縣逕太谷謂之太谷水自縣連延西接鄆澤是謂祁藪據之是鄆澤曰昭祁澤曰祁連昭及祁曰昭餘祁矣漚夷川之名非此

鄭有圃田

在今開封府中牟縣西北詩曰甫艸

周有焦護

涇水所溢也在今西安府涇陽縣西北舊有瓠中俗稱之洪口

十藪

周禮有九藪此云十者蓋後人所益陽華屬秦非春秋之事矣

東陵阮

禹貢導江過九江至于東陵漢志廬江郡金蘭西北有東陵鄉

南陵息慎

西陵威夷

漢之右扶風郁夷縣也史記黃帝居軒轅之丘而娶西陵之女今軒轅邱在秦州清水縣東郁夷則在鳳翔府隴州之西

薛君韓詩章句曰郁夷險也據之則亦隴坂之稱威讀如郁中陵朱滕

北陵西隃雁門是也

穆天子傳天子絕隃之關隘又史記趙世家有先俞徐廣以爲卽西隃先讀爲西古聲也或曰西隃句注山今山在代州之西雁門山在代州東北

陵莫大於加陵

應劭風俗通曰國語單子會晉厲公于加陵埽案春秋傳作柯陵加柯聲之同

梁莫大於昊梁

酈道元曰昊水出原城西北原山東注於河今懷慶府濟原縣是其地

墳莫大於河濱

今蒲州府榮河縣是其地漢之汾陰睢也有后土祠注水經曰長阜背汾帶河長四五里廣二里餘高十丈

八陵

楊泉物理論曰地者鎮之以五岳積之以八陵

東方之美者有醫無閭之珣玕琪焉

漢書遼東郡有無慮縣屈原賦謂之微閭在今錦州府廣寧縣之北珣玕琪玉名許翥曰周書所謂夷玉也珣讀若宣蔡刻石曰吉玉宣璧

東南之美者有會稽之竹箭焉

山在今紹興府會稽縣東南本苗山禹名之曰會稽也禹貢揚州貢竹箭

南方之美者有梁山之犀象焉

梁州之山也今犀象出交廣滇南諸徼彼人捕得爭食其肉云肥堪作炙

西南之美者有華山之金石焉

山在今同州府華陰縣南山海經曰少華山其陰多磬石其陽多璵玕之玉又陶宏景曰華山生陵石俱不言出金山海經又曰英山其陽多赤金今英山在華州西南少華山在華州南與華山皆連麓

西方之美者有霍山之多珠玉焉

山在今霍州東南禹貢之太岳也高誘曰出夜光之珠五色之玉

西北之美者有昆侖虛之璆琳琅玕焉

王肅曰昆侖在臨羌西禹貢雍州貢璆琳琅玕李巡曰璆琳美玉許脊曰琅玕似珠者周書有天璆鄭康成謂玉色如天者之稱神農本艸經云青琅玕一曰石珠蜀都賦謂青珠黃環亦是也

北方之美者有幽都之筋角焉

高誘曰古之幽都在雁門以北其地宜牛羊馬出好筋角可以爲弓弩

東北之美者有斥山之文皮焉

高誘曰文皮虎豹之皮傳曰無終子使孟樂因魏莊子納虎豹之皮請和諸戎是也斥鹵之地亦取以名山矣

中有岱岳與其五穀魚鹽生焉

今泰安府北泰山是也齊有魚鹽之利

九府

東方有比目魚焉不比不行其名謂之鰈

依字應作鰈上林賦所謂虛鰈是也又韓詩曰東海之魚名曰鰈比目而行不相得不能達鰈者魚目恒不閉故老無妻者之目鰈鰈然又爲一目之稱然則鰈鰈同物歟

南方有比翼鳥焉不比不飛其名謂之鶼鶼

王會曰巴人以比翼鳥

西方有比肩獸焉與叩叩距虛比爲叩叩距虛齧甘艸卽有難叩叩距虛負而走其名謂之𪔐

叩依字當爲蛩呂不韋及說苑並云北方獸唯韓詩外傳與此同王會有獨鹿叩叩孤竹距虛服虔曰獨鹿山名在涿郡迺縣北今爲保定府涑水縣也今永平府遷安縣卽孤竹地

北方有比肩民焉迭食而迭望

山海經之一臂民也

中有枳首蛇焉

孫炎枳作枝云蛇有枝首者名曰率然孫子曰一身而兩頭擊其一頭則一頭至擊其中則兩頭俱至

此四方中國之異氣也

五方

邑外謂之郊郊外謂之牧牧外謂之野野外謂之林林外謂之
坳

詩毛傳說文解字並云邑外謂之郊郊外謂之野野外謂之林林外謂之坳無謂之牧句距國百里曰郊牧卽坳七十里地不應更在郊外毛許說是李巡本作郊外謂之田云田救

也謂敕列種穀之處王祿素問注按爾雅邑外謂之郊郊外謂之甸甸外謂之牧牧外謂之林林外謂之坳坳外謂之野甸卽田字是與李本或同

下溼曰隰

京相璠曰懷縣西南有隰城今懷慶府武陟縣地

大野曰平

亦鉅野也

廣平曰原

依字當爲遼禹貢有東原太原東原今泰安府東平州也太原亦爲府

高平曰陸

魏哀王改向曰高平北山經有陸山在高是山北三百里

大陸曰阜

亦鉅鹿也說文解字曰阜山無石者春秋傳文公十六年吳伐楚至于阜山在今鄖陽府房縣南五十里

大阜曰陵

薛君韓詩章句曰四平曰陵秦名天子冢曰山漢改曰陵晉秋傳曰嶠有二陵

大陵曰阿

春秋傳鄭厲公獲傅瑕于大陵史記趙肅侯遊于大陵說文解字阿一曰曲阜案皇甫謐以曲阜爲偃地是偃之言阿

可食曰原

坡者曰阪

隴阪在今鳳翔府隴州西詩秦風阪有漆是也其阪九回不

知高幾許欲上者七日乃得越

下者曰涇

田一歲曰蓄二歲曰新田三歲曰畬

鄭康成注坊記作二歲曰畬三歲曰新田虞翻說易同鄭李
巡曰新成柔田也柔讀如鄭地哻之哻

野

東至於泰遠

西至於邠國

許脊曰汜國汜西極之水也夏革曰朕西行至邠人民猶是
以是知四極之不異蓋亦謂此金史地理志新平縣有潘水
古聲潘汜同疑卽汜水矣今人云三水縣有河原出石門山
逕邠州西南入涇

南至於濮鉛

王會伊尹曰正南百濮又卜人以丹砂濮卽卜云鉛者以丹砂與

北至於祝栗

卽涿鹿同也古聲相近

謂之四極

極中也

觚竹

觚與孤同今遷安縣卽漢令支縣也有孤竹城

北戶

司馬遷說秦始皇地南至北向戶北卽日南郡也吳郡賦曰開北戶以向日

西王母

韓詩曰禹學于西王母國漢書金城臨羌有西王母石室僊海鹽池在今肅州西南

日下

日出于東方故東字從木從日木乘木也淮南王書東方曰朶野東極之山曰開明之門亦是也

謂之四荒

荒廣也

九夷八狄七戎六蠻

周禮四夷六狄五夷八蠻明堂位九夷五狄六戎八蠻並異也

謂之四海

海晦也

距齊州以南戴日爲丹穴

南山經有丹穴之山

北戴斗極爲空桐

今順天府薊州東北有空桐山

東至日所出爲太平西至口所入爲太蒙

天問說日出自湯谷次于蒙汜湯谷卽虞書之暘谷蒙汜王逸以爲蒙水之汜亦曰昧谷矣

太平之人仁丹穴之人智大蒙之人信空桐之人武

四極

釋邱

邱一成爲頓邱

今大名府清豐縣是其地閼駟曰在淇水南

再成爲陶邱

今曹州府定陶縣是其地堯居之故曰陶唐氏墨子以爲釜邱也

再成銳上爲融邱

三成爲昆侖邱

許春曰昆侖虛謂之昆侖邱

如乘者乘邱

今曹州府春秋傳所云敗宋師于乘邱者是也漢爲乘氏縣

徐廣曰乘一作媵

如階者階邱

許春曰水中高者也今陳州府西華縣有階邱卽宋華氏邑

水潦所止泥邱

依字當作泥說文解字反頂受水邱也今在兗州府曲阜縣東南

方邱胡邱

絕高爲之京

九原亦曰九京也北山經有京山在孟門山東南五百二十里

非人爲之邱

許脊曰從北從一一地也人居在邱南故從北中邦之居在昆侖東南

水潦所還埒邱

許脊曰埒庫垣也故水潦還之

上正章邱

澤中有邱都邱

義與階邱同恐是附益之言矣

當涂梧邱

說苑齊景公田于梧邱亦曰五丈夫之邱也在今青州府益都縣

涂出其右而還之畫邱

畫中在臨淄城東十八里孟子去齊所宿之地又有畫邑人王濁

涂出其前戴邱

劉熙載爲載故戴國今歸德府考城縣是

涂出其後昌邱

春秋傳有昌衍卽昌平也在今曲阜縣東南八十里李奇曰
山阪曰衍

水出其前渚邱

劉熙渚爲阯說文解字渚少減也一曰水門

水出其後沮邱

劉熙沮爲阻京相璠曰濮陽縣西南十五里有沮邱城今爲
曹州府濮州地

水出其右正邱

劉熙正爲沚

水出其左營邱

今青州府臨淄縣是其地齊太公受封于此班固一說在營
陵

如覆敦者敦邱

敦亦讀爲燾燾覆也

邈池沙邱

在今順德府鉅鹿縣東北紂所作沙邱臺在此

左高咸邱

在今鉅野縣西卽春秋之故地矣

右高臨邱

晉邑有臨見春秋傳

前高旄邱

應劭作旄劉熙作髦衛地

後高陵邱

史記魯哀公遊于陵阪

偏高阿邱

春秋之阿澤卽詩所謂阿邱也在今泰安府東阿縣

宛中宛邱

韓詩曰韞邱今陳州府是其地王隱白漸欲平鄆道元曰今不知所在矣

邱背有邱爲負邱

國策有負親之邱一說負讀曰邱邱背有邱亦再成者矣

左澤定邱

定讀如星定說文解字有叮邱疑卽是

右澤泰邱

宋有泰邱社

如畝畝邱

詩巷伯有畝邱蓋當時有之

如陵邱

邱上有邱爲宛邱陳有宛邱晉有潛邱

今在太原府太原縣

淮南有州犁邱

今鳳陽府壽州古州來國犁讀曰來古聲也

天下有名邱五其三在河南其二在河北

邱

望厓洒而高岸

洒高峻也詩新臺有洒韓岸門在潁川長社縣魏王泰曰今

名西武亭

夷上洒下不潄

濬水賺也

隩隈厓內爲隩外爲隈

隩淇隩隈芮隈詩所云淇澳芮鞠也鞠漢書又作阮泉原水東南入淇謂之淇隩芮水東南入涇謂之芮隈

畢堂牆

今西安府咸陽縣有畢陌古程邑也孟子所云畢郢

重厓岸

岸上澣

依字當爲汧

墳大防

依字當爲汾讀如蘇林音馬汾叱之汾汾並也齊長城名防門今泰安府平陰縣是其地趙長城名汾門今保定府新城

縣是其地

涘爲厓

窮瀆汜

汜讀如已水在定陶

谷者激

酈道元注水經作通谷者微微激同字山海經松梁之山灌水出焉北流注于渭今東北注于河謂之潼水亦名通谷水也逕潼關城中

厓岸

釋山

河南華

依字當爲學周禮豫州山也

河西嶽

今在鳳翔府隴州漢書吳山古文以爲汧山

河東岱

今在泰安府北

河北恒

今在定州曲陽縣

河南衡

今在衡州府衡陽縣北

山三襲陟

再成英

西山經有英山在大華山西二百二十里卽華州西南山也

一成坏

大坏山在今衛輝府滑縣東國語曰主茅騶騶大騶卽密山也茅通于坏

山大而高崧

依字當爲崇或作嵩者亦非也在今河南府登封縣北

山小而高岑

銳而長橋

黃帝所葬之山在今慶陽府合水縣西或以爲在鄜州者非今書或作銳而高嶠劉熙不然也

卑而大扈

今西安府鄠縣有扈谷夏同姓侯國也王逸以爲澆國名

小而衆歸

山海經太行之首曰歸山今書或作歸者誤

小山岌大山恒

今書恒爲岷非也依字岌應爲駮晉書地道記恒山北行四百五十里得恒山岌號飛狐口在今保定府廣昌縣北如淳誤以爲是上黨壺關矣

屬者嶧

秦刻石作繹在今兗州府嶧縣

獨者蜀

今兗州府汶上縣西南四十里有蜀山春秋之蜀亭也下有蜀山湖與南旺湖相屬

上正章

禹貢內方亦曰章山在今安陸府鍾祥縣西

宛中隆

春秋傳成公二年齊圍龍史記作隆劉德曰魯北有隆山在
今泰安府城西南

山脊岡

山海經剛山洛水出又春秋傳楚用蔡隱太子于岡山

未及上翠微

翠讀如崔微讀如巍亦言其高也

山頂冢

蟠冢山以此名之山海經凡大山皆曰冢

峯者屨屨

詩漸漸之石維其卒矣鄭康成以爲卒者崔嵬謂山顛之末
是古峯卒及屨屨崔嵬字皆通今西安府涇陽縣北有慈峨
山漢書以爲嵯峨山是矣

山如堂者密

中山經有密山卽大驄山也在今禹州密縣又南山經有堂庭之山卽所謂如堂者歟

如防者盛

郊祀志有盛山在今登州府文登縣南盛山斗入海故曰如防史記作成

巒山墮

許春曰巒山小而銳墮山之墮墮者又曰巴蜀名山岸脅之旁箸欲落墮者曰氏然則墮卽是歟

重甌陳

左右有岸厓

今書作厓非是孫君曰厓之誤爲厓也見廣韻厓讀如欽古

肴坂亦曰岑壼在今河南府永寧縣北

大山宮小山霍

小山別大山鮮

劉熙鮮爲齏云齏齏也是毛詩陟則在巘復降在原作巘度其鮮原作鮮鮮借字巘別字今西安府咸陽縣東有鮮原又齊地有齏卽宋敗齊師之處

山絕陁

穆天子傳作鉞山漢書曰卽井陘山也今眞定府井陘縣是其地

多小石礫

依字當爲礫書作礫毛詩作敖史記作礫敖省字礫別字礫借字榮陽敖倉在今開封府河陰縣西

多大石罍

依字當爲𪔐𪔐讀曰鄔春秋傳晉師在敖鄔之間是也

多艸木岵無艸木岵

岵當爲岵毛詩說文解字並云有艸木岵無艸木岵王肅劉熙與今書同雅異本與徐堅案詩終南何有有岵有堂堂山之如堂者岵卽此

山上有水埒

夏有水冬無水舉

中山經視山其上有天井夏有水冬無水孫君曰舉讀爲鎬卽鎬池也廣雅曰水自渭出爲舉埒案酈道元曰渭水自長安縣北分爲二水今長安故城北渭無別出之流鎬水上承鎬池北注渭水渭出之說或張揖非矣

山嶺無所通谿

石戴土謂之崔嵬土戴石爲阻

依字當爲岨毛詩釋名並云土戴石曰崔嵬石戴土曰阻亦雅異本

山夾水澗

宏農澗水在今河南府西

陵夾水渚

山有穴爲岫

籀文岫字從穴作宬

山西曰夕陽山東曰朝陽

詩度其夕陽于彼朝陽皆山名也後世失之又山海經有朝陽之谷

泰山爲東嶽華山爲西嶽霍山爲南嶽恒山爲北嶽嵩高爲中嶽

梁山晉望也

在同州府韓城縣西北

釋水

泉一見一否爲澱

井一有水一無水爲澗

今歸德府寧陵縣南二十五里有洧陵城春秋時爲宋邑

濫泉正出正出涌出也

西山經有濫水出鳥鼠同穴山西今謂之溫水涌水自夏口南通于江春秋傳閭敖游涌而逸者也在荊州府監利縣西今曰涌口又北山經跋踵之山有水廣員四十里皆涌毛詩

濫爲檻

沃泉縣出縣出下出也

毛詩下泉泉下流也漢書五原有臨沃縣酈道元所謂中陵水東北流謂之沃水者也

沈泉穴出穴出仄出也

許脊作厖云讀若軌南方人謂瀨水爲究究卽厖矣

潏辟流川

過辨回川

水經有洞過水出沾縣北山魏書地形志曰同過以五水異出同歸爲名然則辨讀如別在今平定州西南又詩過淵在今邠州

灘反入

上承河水復注於河之稱

渾沙出

古之灘字也

汧出不流

今鳳翔府西南汧山汧水出焉積爲荻蒲藪

歸異出同流肥

肥水在衛鄆道元曰馬溝水東南注淇水爲肥泉也博物志謂之渙水亦詩所謂泉原之水矣水有二原一出朝歌城西北東南流與左水合左水謂之馬溝水出朝歌城北異出同流之謂也在今衛輝府淇縣

漢大出尾下

鄆道元曰鄆陽城北有潢水又城南有潢水又汾陰縣有潢

水出縣南四十里西去河三里平地開原瀆泉上涌大幾如輪深則不測俗呼之爲瀆魁古人壅其流以爲陂水種稻東西二百步南北百餘步與邵陽瀆水夾河河中渚上有一瀆水皆潛相通此皆在今邵陽縣境又史記有汾門魏王泰曰徐水出廣昌領流至北平縣東南歷石門中俗謂之龍門道元又曰易水又東逕新城縣北俗謂之武隧津津北對長城門謂之汾門史記趙世家與燕易土以汾門與燕卽此也又謂之梁門矣此在今保定府新城縣境古冀與分通孟子百畝之冀禮記作分故瀆亦謂之汾矣又春秋傳叔弓敗莒師于蚡泉公羊氏作瀆泉云瀆泉直出亦瀆水也道元又云河水南合孔谿口水出孔山山之上有一穴如車輪三所東西相當相去各二丈許南北直通山在蒲城西南三十餘里亦瀆

水也

水醴曰醴

許存作沆

水自河出爲澮

禹貢之澮水在今曹州府荷澤縣魏王泰曰在雷澤西北平地許存河澮水在宋者注水經云昔大禹塞其淫水而于榮陽下引河東南以通淮泗河渠書所謂通宋鄭陳蔡曹衛與沛汝淮泗合卽鴻溝是也此自河出之水矣

沛爲澮

古無澮字攷沛出亦無澮水字之誤也應爲榮禹貢榮播鄭康成注沆水溢所爲澤也沆溢爲榮卽沛爲榮矣是于字榮形近楚又加水旁而誤耳而鄭道元不察以定陶之汜水

當之矣。播說文解字爲潘。

汶爲瀾

依字當爲闌。出泰山萊蕪縣原山之汶水也。京相璠曰：剛縣西闌亭，東西四十里有闌亭。呂忱曰：汶水上承汶水于剛縣西闌亭。東然則闌卽洗水矣。洗水注于洙，在今兗州府寧陽縣東北三十五里。

洛爲波

出宏農上洛縣冢領山之洛水也。酈道元謂門水爲波波入于河，中山經陽華之山門水出焉，而東北流注于河。門水出于河七百九十里入洛水，與酈說正相反。今商州及雒南縣無洛別之流，疑此已湮。

漢爲潛

史記爲潯古聲同字通也漢書巴郡宕渠縣有潛水西南入江酈道元曰潛蓋漢水枝分潛出故受其稱耳宕渠今保寧府蒼溪縣鄭康成曰漢別爲潛未聞象類亦有所不照矣
淮爲潯

古字亦爲汧游水也淮水于淮浦縣枝分北爲游水東北入海今海州及贛榆縣是其地

江爲沱

漢書蜀郡郫縣江沱在西東入大江汶江縣江沱在西南東入江南郡枝江縣江沱出西東入江鄭康成曰南郡枝江沱水其尾入江耳首不于江出也華容有夏水首受江尾入沔此所謂沱也又曰蜀郡郫縣江沱亦尾入江江原有鄰江首受江南至犍爲武陽入江豈沱之類與今郫縣江沱亦名郫

江在成都府郫縣北枝江江沱在荊州府枝江縣西汶江江沱在成都府新繁縣西北禹貢汶山導江東別爲沱說者以爲此水也夏水在今荊州府監利縣東南所謂魯湫江卽夏水矣鄩江在今成都府灌縣境

澗爲洶

攷注水經過水唯于苦縣西南分爲二水枝流東北注于潁城入谷謂之死澗恐非此洶也班固許舂並云澗水首受淮陽扶溝浪湯渠東入淮澗爲洶者其渠爲澗與

潁爲沙

注水經曰潁水自潁陽縣西注小潁水出焉以是爲沙水也案許舂曰楚東有沙水應卽是而莫知其處矣今潁水在陳州府商水縣

汝爲瀆

注水經曰汝水自定陵縣北瀆水出焉世謂之大瀝水瀆瀝聲相近晉地道記女陰縣有陶邱鄉詩所謂汝瀆矣說文解字引此作汝爲涓

水決之澤爲汧

亦弦蒲澤也弦汧聲同

決復入爲汜

詩江有汜注水經云江水又東逕汜谿口蓋江汜決入也說文解字引此作涇今開封府有汜水縣水在縣西卽中山經所謂出浮戲之山北流注于河者非此也

河水清且瀾漪大波爲瀾小波爲淪直波爲徑

徑釋名作涇今出平涼府西北瀾卽漣漣水出長沙府北山

經有倫山倫水出倫與淪通

江有沱河有灘汝有漬

澍水厓

字亦應爲汧也

水艸交爲湄

注水經曰沛水東北與湄溝合水上承湄湖北流注沛應在今濟南府長清縣南

濟有深涉深則屬淺則揭

說文解字有礪云履石渡水也段國沙州記吐谷渾于河上作橋謂之河厲長百五十步余謂礪古厲字礪之言梁深則成梁淺則徒涉義自可通故衛詩有狐綏綏在彼淇梁其次章卽云在彼淇厲許君說韓詩諒韓義爲礪雅文卽毛義矣

以衣涉水爲屬繇膝以上爲揭繇膝以下爲涉繇帶以上爲厲
潛行爲泳

依字當爲永永又同業韓詩曰江之業矣一說卽漾水漾水
東流爲漢故漢爲潛

汎汎楊舟緇繇維之緇緇也繇緇也

孫炎以緇爲大索繇毛詩作繩

天子造舟

許晉曰古文造作船

諸侯維舟

大夫方舟

方舟航也

士特舟

庶人乘泚

論語作桴鄭康成曰編竹木大曰楫小曰泚

水注川曰谿

春秋傳周池有谿泉在今河南府鞏縣

注谿曰谷

武始澤卽谷水在今涼州府南

注谷曰溝

論語有溝瀆史記以爲魯地笙瀆也

注溝曰澮

水出霍山西南入汾今在平陽府

注澮曰瀆

逆流而上曰溯洄順流而下曰溯游正絕流曰亂

江淮河沛爲四瀆四瀆者發原注海者也

江淮河沛皆四瀆之別名也

水中可居曰州

詩鼓鐘淮有三州毛傳曰淮上地

小州曰渚

今書作渚非也渚水出常山

小汜曰坻

坻釋名作泚泚水出常山今在順德府唐山縣西

人所爲爲湑

中山經有湑水今在平陽府浮山縣龍角山北流注于汾又

西安府城南有湑水

河出昆侖虛色白

孫君曰屈原賦朝吾將濟夫白水謂河也春秋傳曰有如白水

所渠并千七百一川色黃

水所居曰渠

百里一小曲千里一曲一直

河自析支之地屈而東北流故析支羌謂之河曲羌千里至今蘭州府折而北行又千里至高關塞折而東行自高關東至陰山三百里東南行又七百里爲榆林塞折而南行又千里至潼關東行春秋傳秦晉戰于河曲此地也又千里至宿胥口魏詩曰河水清且直猗此地也又東北行千里入于海此大略矣百里則無以計之

徒駭

漢書曰勃海成平有庠池河民曰徒駭河許商亦云在今天
津府滄州之西河開府交河縣之東北六十里

太史

宋人作禹貢指南云太史在德州安德縣東南經滄州臨津
縣西明一統志太史河在南皮縣北

馬頰

今濟南府平原縣北有篤馬河東北經陵德平二縣武定府
商河樂陵二縣界卽馬頰河也明史地理志曰俗名土河

覆繡

今濟南府德州有覆繡河東北至武定府海豐縣入海

胡蘇

河開府東光縣胡蘇亭在焉東至海豐縣入海太平寰宇記

謂之赤河

簡

今天津府南皮縣城簡絜二河在焉相去最近

絜

金史地里志南皮縣有絜河

鉤盤

今武定府樂陵縣東南有鉤盤河自濟南府平原德平二縣界來至海豐縣入海漢書平原有般縣注水經河水故渠川派東入般縣爲般河亦九河之一也

鬲津

漢書平原鬲縣平當以爲鬲津卽有窮后羿之國也魏都賦有蓋節淵所謂鬲津歟在今德州西南此皆後人依故道鑿

以通水者也

九河

鄭康成曰周時齊桓公塞之同爲一河按春秋寶乾圖云移河爲界在齊呂填閼八流以自廣鄭本之爲說也酈道元曰今自沙邱堰以北館陶慶陶貝邱鬲般廣川信都東光河閒樂成以東城池並存川潰多亡漢世河決金隄南北離其害議者常欲求九河故迹而穿之未知其所是以班固云自茲距漢北亡八枝者也

從釋地已下至九河皆禹所名也

禹著山經時名之周公釋之也

後叙

星衍旣與錢君同客陝西撫院時又同爲地理之學其讀一書

有所知必相告亦多如其意所欲出一日錢君讀張守節所稱
晉地道記飛狐岌之說告星衍曰予始知爾雅釋山之皆山名
小山岌大山岒之卽飛狐岌與恒山也于是注釋地以下四篇
閱三月成屬星衍爲之叙叙曰釋地以下四篇皆禹所名周公
之所述也張揖上廣雅表言周公著爾雅一篇今俗所傳三篇
爾雅或言仲尼所增云云揖意蓋言古本爾雅合釋詁以下爲
一篇後儒附以傳注廣爲三篇云三篇者卽藝文志之三卷是
今十九篇皆有周公之說也釋詁等十九篇之名蓋後儒所分
陸德明乃以釋詁篇爲周公所作釋言以下爲仲尼等所增疑
其誤會張揖一篇之義古者聖人不虛作黃帝正名百物禹與
伯益主命山川尚書亦言奠高山大川孔鄭訓奠爲定定言定
名其名存諸尚書山海經其義存諸釋地諸篇也古人之書特

多經傳相亂今自釋地以下四篇考其文義釋地九州當是經

十藪當是傳

錢君以周禮九藪此云十藪又陽華屬秦疑是後人所益星衍亦案文云鄭有圃田圃田在今開封

府中牟縣此新鄭也宗周之滅鄭遷于漆洧圃田屬鄭亦春秋時語矣

八陵九府五方野四極當

是經釋邱三成爲敦邱以下當是經陳有宛邱以下當是傳釋

山河南華以下當是經泰山爲東嶽以下當是傳釋水有云正

出涌出也縣出下出也穴出仄出也河水清且漙漪以下十八

字濟有深涉以下三十九字汎汎楊舟以下三十三字云四瀆

者發原注海者也云從釋地已下至九河皆禹所名也皆當是

傳且案釋詁之文亦有黃髮觀商詐浪笑敖之類直釋詩辭何

得盡云周公所作也是知釋詁一篇非無孔卜所增釋言以下

皆有周公之說矣釋地諸篇之義旣古其所釋皆是夏書山海

經之山而郭李舍人僅隨義解釋不著所在郭璞注山大而高

崧云今中嶽嵩高山蓋依此爲名亦未知其卽釋嵩山也可不
惑與錢君旣知岌之爲飛狐岌岍之爲恒山旁通其類以說河
南華以下諸山信非古人之所及已又諸經之文惟爾雅最多
俗字陸德明言豈必飛禽卽須安鳥水族便應著魚蟲屬要作
虫旁草類皆從兩少若此之類實繁有徒是以不合于篆文不
登于許氏星衍嘗校其謬誤去其十五今以錢君之例証之山
大而高崧卽嵩山知崧當爲崇也國語崇山卽嵩山銳而高嶠卽橋山
知嶠當爲橋也小而衆歸卽歸山知歸當爲歸也又以加陵爲
卽柯陵祝栗爲卽涿鹿深通古人假音之義星衍嘗病山左右
有岸屈屈字不合六書而唐石經五經文字皆有其形据廣韻
二十七合有厓字云山左右有岸乃知是厓之寫爲厓又譌爲
屈也又疑磈畧卽春秋傳敖郃之類君皆有取焉君注解質核

有賈逵高誘之風漢以下無以擬也今世注爾雅者有君家詹
事君邵編修二雲江布衣叔湮星衍亦嘗爲爾雅正俗字考又
注釋詁以下諸篇依叔言及舍人之例字以本義爲釋然君所
獨到不能掩也孫星衍撰

重光赤奮若元月吾友錢君獻之注爾疋釋地四篇畢時余方
疏國語地名未竟病革馳之莫定阻彤魚之乏證芻采金石搜
稽或窮高觀周秦披覽亦徧聆遂得于許氏臯落證以韓生廣
都之壠注乃增乎韋昭卑耳之谿名堪通于劉向以墮高之文

識觸山之語誕由田渭之蹟知惠實之傳疑

國語共工氏墮高
堙庫知列子淮南

觸山折柱所由附會也又晉語爲惠
公從子于涓濱涓濱韓非子作惠實

茫茫一編窺古獨笑焉蓋

六合云渺難從豎亥之步三古甚遠誰詳伯翳所名而儒者好
破舊聞矜其臆獲甚或變易陵阜移徙川澤此則起北溟之說

非屬寓言移太行之語遂成左證也夫創奇者既信心之已過
守故者又曰證而或離以數雜之居諸窮八埏之浩遠知其難
矣又况高下定名肇于文命川藪著錄仿自元公梁卜之所未

言樊李于焉缺注卽云證之別簡而東陵未究先地昧于金蘭

漢地理志廣江郡金蘭西北有東陵鄉水經注廣江郡有金蘭縣按金蘭無所考二漢亦無此縣水經注縣字當誤橋山

屢移遂神迷于劍舄而能承茲衆說成乎一是高平廣平皆區
方之可指朝陽夕陽非向背之虛號則前哲之所未及視景純
而或過者焉時孫君季仇亦注山海經削諸迂怪之談證以耳
目所及揖夷堅于上世諒厥用心友裴廊于六朝均茲命意蓋
輿地之學至今日而言者益廣亦訂之益精也若夫日下之所
在息慎之爲方此之闕疑師夫前聖洪亮吉撰

星衍序釋地四篇以爲釋詁以下皆有周公之說獻之避之然

自唐以來無有信是論者矣無有舍陸德明之言而深求張揖之說者矣星衍有所見當以告讀全書者亦附獻之書以著焉爾雅所紀則皆周官之事也釋詁釋言釋訓則誦訓掌道方志以詔觀事及訓方氏掌誦四方之傳道也釋親則小宗伯掌三族之別以辨親疏釋宮亦小宗伯掌辨宮室之禁也釋器其纆罍謂之九罍云云則獸人掌罍田獸辨其名物肉曰脫之云云則內饔辨體名肉物黃金謂之鑿云云則職金掌凡金玉錫石之戒令辨其名物之鍛惡金鐵翦羽謂之鍛云云則司弓矢掌六弓四弩八矢之灋辨其名物也珪大尺二寸謂之玠云云則典瑞掌王瑞玉器之藏辨其名物一染謂之纁云云則典絲掌絲入而辨其物也釋樂則典同掌六律六同之和以辨天地四方陰陽之聲也釋天則眡祲掌十輝之灋以觀妖祥辨吉凶又

保章氏掌天星以志星辰日月之變動以辨其吉凶又甸祝詛
祝之所掌也其旌旗則司常掌九旗之物名巾車掌公車之政
辨其旗物而等叙之也釋地釋邶釋山釋水則大司徒以天下
土地之圖周知九州之地域廣輪之數辨其山林川澤邱陵墳
衍原隰之名物職方氏掌天下之圖以掌天下之地辨其邦國
都鄙四夷八蠻七閩九貉五戎六狄之人民與其財用又山師
川師遺師之所掌也釋草以下六篇亦大司徒以土宜之瀆辨
十有二土之名物山師川師辨其物與其利害而頒之于邦國
使致其珍異之物又土訓道地慝以辨地物而原其生以詔地
求也又倉人掌辨九穀之物龜人掌六龜之屬各有名物皆在
也釋畜則庖人掌共六畜六獸六牲辨其名物其馬屬則校人
掌王馬之政辨六馬之屬雞屬則雞人掌共雞牲辨其名物也

昔魯哀公欲學小辨以觀于政孔子告之爾雅其意在是是周公之著爾雅爲在周禮前周禮之名物必以爾雅辨之也其諸儒所廣亦自可考按釋詁文有舒業順叙也下云舒業順叙緒也明是解上四字又粵于爰曰也下云爰粵于也郭璞說轉相訓又治肆古故也下云肆故今也璞說此義相反而兼通者星衍謂郭說非也此類卽後儒所增矣其釋訓有如切如磋道學也云云按禮記云是孔子之言其直引詩辭當是子夏之言子夏實治詩也又釋親一篇亦有所增考史記田文問其父嬰曰子之子爲何曰爲孫孫之孫爲何曰爲元孫元孫之孫爲何曰不能知也今釋親則有元孫之子爲來孫云云當是戰國後叔通等所增矣不然嬰何得不見爾雅也自餘諸篇可以類證星衍不敏其有所失尚望正告無隱也獻之書副刊已畢故附于

其末

爾雅釋地四篇注